

Date – 04/10/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Sinlung Hills Council inthlan vote thlak chu thlaleh Nov ni 5 ah neih a ni dawn a, hemi ni vek hian vote chhiar a ni ang.
2. Champhaiah Hnahsin Kût neih mek a ni a, tun thla ni 18 thleng a aw h ang.
3. Union Cabinet nimina thukhawm chuan agriculture ngelng het zawkna tur PM Rashtriya Krishi Vikas Yojana, PM-RKVY leh food security tihhlawhtlinna tur Krishonnati Yojana a pawm.
4. Sawrkar luipui chuan National Mission on Edible Oils- Oilseeds (NME-Oilseeds) kum sar ih chung kalpui tur a pawm.

<><><>

SINLUNG HILLS ELECTION

Sinlung Hills Council inthlan vote thlak chu thlaleh Nov ni 5 ah neih a ni dawn a, hemi ni vek hian vote chhiar a ni ang.

Mizoram State Election Commissioner Dr. H. Lalthlangliana'n Sinlung Hills Council inthlan chungchangah hian nimin khan thuthar thehdarhtute a kawm a, Dr. H. Lalthlangliana chuan inthlan hun a puan atangin Model Code of Conduct hman tan nghal a ni a ti a, inthlanna muanawm leh felfai a awm theih nan Party tin te leh sawrkar hnathawk bakah tlawmngai pawl leh mipuite thawhpuiah a sawm a ni.

Commissioner sawi danin inthlan chuh turte tan october ni 10 thleng thehluh theih a ni a, ni 14 thleng inhnudawh hun hawn niin November ni 5 ah vote thlak ani dawn a, hemi ni vek hian vote chhiar nghal tur niin ballot paper hman tur a ni a, inthlan that ngai a awm anih chuan November ni 6 ah neih tur ani tih a sawi.

Sinlung Hills Council term hi kumin November ni 21 ah a tawp dawn a, Aizawl District-ah Constituency 6 awmin Polling Station 19 zingah Critical Polling Station 6 a awm a, Kolasib District-ah Constituency 2 awmin Polling Station 7 a awm a, a vai hian Critical Polling station-a puan a ni a, Saitual District-ah Constituency 4 awmin Polling Station 12 a awm a, heng zingah hian Polling Station 3 te chu Critical Polling Station atana puan an ni bawk.

Sinlung Hills Council ah hian voter 23,789 an ni a, heng zinga 11,875 chu mipa niin, 11,914 chu hmeichhia an ni a, Constituency 12-a awm a ni.



COUNCIL OF MINISTERS MEETING

Chief Minister Pu Lalduhoma kaihruai Council of Minister nimina thukhawm chuan Sawrkar hnathawk Dearness Allowance 4% a tihpun an remti.

Cabinet room-a thutkhawmah hian thu ngaihtuah tura chhawp hrang hrang 5 te pawm a ni a, heng zingah hian Mizoram sawrkar hnathawk DA chu zaa 4-a tihpun rawtna a tel a, hei hi sawrkar hnathawkten November thla atangin an hmang tan thei dawn a ni.

Thu ngaihtuah dang zingah The Mizoram Right to Information Rules, 2010 pawm a ni a, BPL te tan RTI zawhna zawh man zawng zawng a thlawn a ni tawh dawn a, Power & Electricity Department hnuai RDSS Scheme hnuai Smart Metre vuah tura ruahmanna chu pawm a ni bawk.



ASSEMBLY COMT ON ESTIMATES

Mizoram Legislative Assembly Committee on Estimates chuan Acting Chairman Pu Lalmuanpuia Punte kaihruainain Public Works Department hnathawhte tlawhin Department hnathawhte an endik a, he hunah hian Pu Lalrintluanga Sailo leh Pu T. Lalhlimpuia te an tel bawk a ni.

Spot visitah hian Committee on Estimates-in Aizawl-Thenzawl-Lunglei Road a kawng siamthat mek te an endik a. Chainage of Roads then hrang hrang te tlawhin hnathawh mekte an en a. Aizawl-Thenzawl-Lunglei Road chu Mizorama kawng pawimawh berte zing ami a nih angin Committee chuan PWD Department theihtawpa hma lakpui an tum thu an sawi a ni.



NATIONAL COMMISSION OF WOMEN

Ni hnih awh North east-a hmeichhia te thumchakna tur Capacity Building workshop: "Building Resilient Communities - Women and Sustainable Ecosystem in North East Region" chu nimin khan Aizawla I&PR Auditorium ah buatsaih a ni a.

National Commission for Women buatsaih niin, NCW member Pi Delina Khongdup chuan a hmanpui.

Pi Delina Khongdup chuan thu sawiin, hmeichhiate dinhmun chawikan a, an dikna hum tura National Commission for Women hmalakna hrang hrangte tarlangin, tuna workshop buatsaih tak pawh hian hmeichhiate tan chauh ni lo, khawtlang tan tangkai a nih thu a sawi a. Ram leilungin a tharchhuahte a tlem sawtin, boruak a chhiat chhoh zel avanga ram mipuiin hlawkna a tel thin te chu nasa takin a nghawng dan sawiin, a bik takin hmeichhia, thingtlang lama

cheng, hetiang hna leh thar chhuah lama inkungkaihna hnai tak an neite chu a nghawng nasat zual thu a sawi a. Mihing fimkhur tawkloh avang te a sik leh sa danglam chho mek chuan nghawng nasa tak neiin khawchin mumal lo – khawlum tawlh tawlh, thlasik vin tak, ruah baw hawk tam ta lutuk, kum tluana ruahtui insemrual lo te a thlen thu a sawi baw a. Chutah chuan mipa hmeichhiate pawhin tih theih an nei a, pawimawhna an nei tih hria in, disaster resilience tih-inven theih dan tur te, lo dawl zo theihna tur te, lo inhmakhuana tur te ngaihtuah a, zirho a, hma lak a pawimawh a ni, a ti a. Chumia tan lak chuan tharchhuah ngei te hmanhian a ram chhunga cheng te tan eizawna rintlak, eizawna ngial nghet te NTFP kaltlangin kan nei chho thei dawn a ni tiin workshop chu hlawkthlak taka hmanhian turin kalkhawmte a sawm a ni.

Capacity Building Workshop-ah hian ramhmul damdawi kui leh siamchhuah leh inenkawlinaa eizawngte; Self Help Groups, UD&PA Department; farmer-te, Department of Horticulture; NTFP collectors, Environment, Forest & Climate Change Department; Anganwadi Workers, WCD; State Disaster Management Authorities, State Rural Livelihood Missions, MHIP Branch hrang hrang atang leh thuthar thehdarhtute an tel a ni.



HNAHSIN KUT

Champhaiah Hnahsin Kût neih mek a ni a, tun thla ni 18 thleng a awhang.

Champhai Nature Conservancy huaihawt Hnahsin Kût hi niman khan Aui Garden, New Champhaiah Adviser to CM Pu TBC Lalvenchhungan a hawng a, Champhai District in Swadesh Darshan 2 hnuaiah leh sawrkar scheme hrang hrang atangin hmasawna tak tak a hmuh a beiseiawm tih sawiin mipuite chu sawrkar hmalakna thlawp a, thawhpui thiam turin a ngen a. Champhai khawpui chu hmasawn mek anih avangin ruahmanna fel tak nen duat taka enkawl a pawimawh thu a sawi baw a.

Adviser to CM hian Hnahsin Kut zara mipui ten eizawna remchang an neih belh chu lawmawm a tih thu a sawi a. Champhai chu Mizoram buhzem ‘Rice Bowl of Mizoram’ tia chhal thin a ni a, buhfai kher ni lo Tourism kaltlanga Mizoram buhzem a nih chhoh theih a beisei thu a sawi baw a.

Hnahsin Kût neih chhung hian phai zawlah thil hrang hrang buatsaih a ni dawn a, phai pheikawngpuiah naupang tuallenna hun buatsaih a ni a, Beram Tlangah paragliding buatsaih niin dawr hrang hrangah eitur leh Mizo thuam hrang hrang lei tur a awm a ni.

Naktuk hian Cycle rally, Tour de Champhai bakah thil hrang hrang buatsaih a ni dawn a, Zan lamah Aui Garden-ah Leikapui zan hman a ni thin dawn a, Hnahsin Kût kharna hi October 18 zanah Mualnuamah Arkaiden zan concert hmangin neih a ni dawn a ni.

Champhai Nature Conservancy chuan Hnahsin Kût chu chenna leilung mila khawsak thiam kawnga khualzin te hipna tura a buatsaih a ni an ti baw a.



MZP ON SCHOOL BAG

MZP Sub Headquarters Kawnpui chuan zirlai naupang bag rih zawng an enfiah a, Ministry of Education-in Policy on School Bag 2020 hmanga inkaihhraina a siam chu zirna In thenkhatah zawm a hlawh tawk lo a, zirlai naupangte School Bag ah hi a rit hlawm hle a ni an ti.

Hemi chungchanga MZP thuchhuah tarlan danin Zirlai naupang rih zawng atanga teha za-ah 10 aia rit School Bag ah tir loh tur tih a nih laiin Kawnpui School thenkhat endikna atangin zirlai naupangte School Bag chu a rit fal hle tih hmuh chhuah a ni an ti a, a bik takin Private School ah School bag chu Kg 8 aia rit ak an awm tih a sawi.

Thuchhuah tarlan danin School Bag rih zawng tura inkaihhraina angin Class 1 atanga Class 5 inkarah Kg 2 leh gram 500 a pel lo tur tih ani an ti a, Class 6 leh 7-ah Kg 3 aia rit lo, Class 8-ah Kg 4 aia rit lo leh Class 9 leh 10-ah Kg 5 aia rit lo tur a ni tih chu dan awmsa ani tih sawiin Zirlai naupangten School Bag an ah rih lutuk avang hian kum khat pawh tling lova School Bag chhia a tam hle an ti a, Zirlai naupangte hriselna pawh nghawngin hnungzang na leh dar na nei an tam tih an sawi bawk.

MZP Sub-Hqrs. Kawnpui chuan Zirlai naupangten School Bag an ah rit lutuk loh nana hma la nghal turin Zirna In hrang hrang an ngen tih sawiin Sawrkar-in inkaihhraina a siam ang zawm turin an ngen tih an sawi a, sawrkar hnenah pawh thlen an tum tih an sawi bawk.



MPSC

Mizoram Public Service Commission chuan Mizoram Civil Services (Combined Competitive) Main Examination, 2024 atangin Question-Cum-Answer Booklet a hmang tan tawh dawn.

Question-Cum-Answer Booklet Sample hi Website-ah en theih a a ni a, a hman dan tur chungchangah Candidate hriattur pawimawh en theih tarlan a ni a, Mizoram Civil Services (Combined Competitive) Main Examination, 2024 hmachhawn tur te'n ngun taka kalphung pawimawh tarlan chhiar tur leh fimkhur taka zawhna chhang tura hriattir an ni.

Mizoram Public Service Commission thuchhuah chuan tun October-a MCS (Combined Competitive) Mains Exam ah negative marking kalpui rih loh ni se an ti bawk.



UNION CABINET

Union Cabinet nimina thukhawm chuan agriculture ngelnghet zawkna tur PM Rashtriya Krishi Vikas Yojana, PM-RKVY leh food security tihhlawhtlinna tur Krishonnati Yojana a pawm a. Heng scheme pahnih atan hian cheng vaibelchhe nuai 1 ruahman a ni. Union I&B Minister Ashwini

Vaishnav chuan New Delhi-ah chanchinbumite kawmin loneitute sum lakluh tihpunna leh mi naranten chaw an mamawh an hmuh theihna turin union cabinet chuan thutlukna a siam a ti a. Heng scheme pahnih hi a tihhlawhtlinna tura lungphum pawimawh tak pahnih an ni tih sawiin hmalaknate hi kalpui anih hunah loneitute sum lakluh pawh a pun phah a ring tlat tih a sawi bawk a ni.



NME-OILSEEDS

Sawrkar luipui chuan National Mission on Edible Oils-Oilseeds (NME-Oilseeds) kum sarih chhung kalpui tur a pawm. He mission hi sawrkar kum 2024-25 atanga 2030-31 thleng kalpui tur a ni a. NME-Oilseeds atan hian cheng vaibelchhe sing 1 leh 103 ruahman a ni. Kum sarih lo awm tur chhunga India chu oilseed-a a intodelh theihna turin he mission hi kalpui a ni ang.



PRESIDENT

President Draupadi Murmu-i chuan zirlaite chu na nungchang ti chhe thei thil laka inthiarfihlim turin a chah. Nimina Udaipur-a MohanLal Sukhadia University Convocation a hmanpuinaah he thu hi sawiin Pi Murmu-i chuan nundan tha ber nunpui chu an hna thawh leh nungchangah lalut turin a fuih a. An nunphung kawng tinrengah rinawmna nunpui turin a chah bawk a ni.

Convocation ah hian Rajasthan Governor Haribhau Bagde, Punjab Governor Gulab Chand Kataria leh Rajasthan Deputy Chief minister Prem Chand Bairwa te pawh an tel a ni.

